

黿

峰

集

鰲峰集卷之十五

閩中徐勵興公著

七言律詩

辛丑元旦

雞聲萬戶送韶華三十屏驅兩歲加丙夜祈年
焚栢子辛盤隨俗進椒花龍魂說劍貧三尺蠹
粉藏書富五車獨有寒梅相憫藉春風依約到
山家

春日閒居四首

新柳當門綠拂烟遠山偏好雨晴天身閒剩得
林泉樂名賤難消筆硯緣淨几研硃推八卦焚
香呵策撐三玄微風忽動窓前竹驚起簷牙燕
子眠

垂藤引蔓古牆生寂寞花間鳥獨鳴竹徑晝昏
烟雨色茶鐺晴沸雪濤聲詩文應客空貽累水
墨消閒不獵名鎮日柴門無剝琢自携邛杖繞
堦行

几淨天然木榻枯壁間懸得匣琴孤亂花間色

蘇娘錦老樹交枝馬遠圖鳥跡細銘高宋硯龍
涎微爇小宣爐紅塵門外三千丈才隔重林一
點無

孤齋遙傍翠重重近聽仙臺曉暮鐘生計貧來
資賣卜姓名逃去學爲農架頭粉落藏書蠹瓶
裏花香引蜜蜂晝永欲招僧對奕恐教踏破草
痕濃

送楊叔向叅藩入賀 萬壽聖節便道過
家二首

紛紛饒吹滿城喧手捧瑤觴獻至尊
易水烟花趨帝里鑑湖雲樹辨家園
空懷雷劍難持贈愧乏隨珠莫報恩
霄漢薜蘿從此隔書生何地掃齊門

王程難緩別無諸荷芰風清五月初
初三祝懽呼明主壽二星高照使臣車
遙瞻日色腫龐外近覩天顏咫尺餘
便殿賜酺還召對莫因詞賦薦相如

寄懷屠田叔太守

新拋符綬出辰陽賦就初衣還故鄉
楚水歸裝吟有雪香山修社鬢無霜
閒身佞佛朝千拜老眼抄書日幾行
乞得鑑湖當一曲風流不讓賀知章

送大參蕭公調任河南分署魏郡兼過家

省觀二首

陳留參省立奇勲遠駐征麾濮水濱
魏郡山當公案繞漳河流到訟庭分
蒲朝詞賦推蕭統入洛才名羨陸雲
此地去天方尺五好陳王業翼

明君

星槎遙指九河流竹馬爭迎郭細侯綵服過家
寧鄂渚紫微分署界鴻溝鄴都萬里宣猷入嵩
岳三峰乞假遊密邇漆園稱傲吏日長蝴蝶夢
莊周

戲贈曹能始園中雙鶴

鑿池種樹巧圍垣親養臯禽住小園只合似吾
聲在野未應如主貴乘軒添茲兩口難支俸當
得雙童且應門不久北山人別去苔堦空自立

黃昏

次韻和幼孺水明樓卽事四首

春來塵鞅了無關
宴坐爐薰茗碗間
峰影入窓爭隱見
溪聲當戶鬪潺湲
草青日煖猧兒睡
花落風輕燕子閒
遙望江天開霽色
隔村田父送簑還

夏初芳圃綠槐新
蒲扇蕉衫稱葛巾
自引螢光開北牖
肯分鶯語共西鄰
古琴彈出猗蘭操
小調翻成點絳脣
晝永南窓濃午夢
清閒寧讓上

皇人

秋晨小閣坐涼風數卷奇書秘枕中麴蘖乍芻
藍尾綠菊花先賞鴈翎紅窠前放陣蜂爲政巢
裏生孫鶴奏功落葉掃空吹復墜日持松帚役
山童

冬深靜對讀書燈一事無營百慮澄枯木鴉歸
霜薄霰野塘魚躍破寒氷香醑沉水烟常煖硯
冷端溪墨易凝初放梅花三五樹開窓疑是雪
層層

送沈從先還吳

爲弟先兄至閩

旅食閩南度一年薄遊寧問杖頭錢
淚痕似雨枯雙眼行色如雲負半肩
白馬已奔泉下客金雞曾訪洞中仙
吳儂自有逢年術歸種要離墓畔田

中秋夜宿茶洋驛同從先惟秦能始坐沸
雪亭看月分得涼字

下馬秋宵嶺路長驛亭沽酒對寒光
玉泉冷沸千泓雪金鏡晴開一片霜
峰頂暗穿松影白窓

前微射竹陰涼應知後夜重圓處半在他鄉半
故鄉

是夕洪令君至因共集沸雪亭再分明字
西風吹樹起涼聲暮色蒼蒼露氣清乍喜星從
今夕聚却憐月正仲秋明論文不礙官民分對
酒俱添客旅情勝地難常良會少驛樓休問報
殘更

秋日同從先惟秦能始集建州楊氏黃華

山園

裴公綠野昔曾開，留得方池與曲臺。
泉眼巧從深竇湧，松陰遙引兩山來。
秋高古樹蟬爭咽，日落平林鳥亂回。
勝地頓生濠濮想，不妨隨意坐青苔。

旅夜獨坐東元翰喬卿

寒燈無焰影相親，絡緯哀吟四壁塵。
半榻秋霜孤寺夢，一林疎雨異鄉身。
雲堂度磬愁終夕，山縣傳更數及晨。
賴有故人同幸舍，嘯歌忘却客中貧。

九日開福禪房

病身樵悴寄禪房，節序催人嘆異鄉。
蟋蟀入床吟暮雨，芙蓉臨水怯秋霜。
誰攜彭澤重陽酒，難借藍田九日莊。
不爲授衣歸思急，東籬愁負菊花黃。

贈武夷道人王浩章住持萬年宮

鍊冠星劍住仙源，身是方平幾代孫。
玉洞步罡宵禮斗，瑤壇持呪早朝元。
真君十二全歸祀，道侶三千總在門。
聞說乾魚孤漢典，憑君香火薦

蘭蓀

懶逐曾孫宴幔亭萬年宮裏拜仙靈鎮山御勅
司龍簡謁帝朝衣剪鶴翎雙屐躡雲遊碧落一
函披月注丹經年年勾引漁郎到流水桃花洞
不扁

贈邵武郡守閻立吾先生

朱輪新駕五驂騑刺史名高郭細侯樵水農桑
行處勸習池花水醉中遊抱琴吏養楊州鶴賣
劍人牽渤海牛手板支頤看爽氣北橋西塔白

雲秋

題仁壽寺

城外秋雲踏幾重屏山如黛簇芙蓉寺門榜是
隋朝賜石徑松疑秦代封僧舍盡迷行處路法
堂長廢講時鐘難尋竹院相過話每出溪橋看
晚峰

送徐古若遊新安

歷盡風霜兩鬢華一身雲水寄生涯蒲團坐落
黃山月鏡箔吹開白岳花蘇晉長齋因佞佛盧

漱浪跡爲無家臨峽何物堪持贈剪取丹臺一片霞

秋夜宿侯揚績山房

水北橋邊結草堂幽居疑是浣花莊破籬菊老
戰秋色荒園桂殘吹古香峰影經年留竹戶溪
聲長夜到藜牀狂吟起看清宵月一轡芒鞋踏
曉霜

遊丹臺

重重蘿磴巧廻旋半日幽探結靜緣楓葉醉霜

顏轉渥竹根穿石節彌堅鴈投遠渚眠寒月鴉
返危巢噪古烟藥火無光丹氣冷高丘何處覓
神仙

題劉象九秀才屏山書屋

招提深隱白雲層長日攤書靜對僧容膝只應
求十笏冥心須學演三乘蘂鹽朝借香厨爨蓮
漏寒分硯水冰劉向藜光通夜照蘭膏休爇佛
前燈

寄謝在杭司理東昌

東郡分符又幾春馬蹄終日逐沙塵聊城托訊
傳流矢漢署需才嘆積薪挾瑟自彈三婦艷抱
琴誰識一官貧登壇牛耳應須執狎主齊盟正
此辰

瑞雲菴訪朱白卿王伯效讀書處

白雲深處老禪菴共下書帷坐一龕閉戶經年
聞石鼓開窓終日對樵嵐五更藜火分珠殿數
卷芸編寄寶函偶爾尋僧同出郭恍疑三笑虎
溪南

樵川登雲橋別白卿象九揚績伯効於績
秉藻景緯諸君

衝寒迢遞出昭陽岐路分襟易斷腸歲序欲殘
辭故園旅遊將倦怯他鄉荒雞野店三聲月羸
馬空林四足霜別後屏山重載酒白雲空閑舊
僧房

費學卿鼃采館與吳太初鄭兆勤吳元卿
擁爐夜酌率爾成咏

秉燭寒宵坐擁爐青錢隨意買醅酬天涯良會

簪紉合海內。譚詩轡並驅。對榻朔風鳴。鶴嶺開
窓晴。雪滿鵝湖清。時不學長房隱。日向人間掛
一壺。

至夜姑蔑舟中

停棹三衢夜。莽蒼客途淹。忽過年光葭。灰應律
吹新管。萍梗隨流出。異鄉襖被冷。眠千嶂。雪釣
竿晴打半蓬霜。遙知小婦閨中線。此夕應添一
倍長。

謁嚴子陵祠

桐江渺渺向東流萬古清風在釣舟天上故人
關象緯磯頭漁父老羊裘一竿水月輕千乘七
里烟波薄五侯不羨非熊尊渭叟爲臣相助理
西周

曹娥廟

寒江如練遠茫茫秦望山高落木黃古像有靈
祠孝女斷碑無字辨中郎千年艷骨沉秋水九
死香魂哭夕陽惆悵蛾眉招不起西風下馬薦
椒漿

至明州訪楊廉憲公家園有贈

法星高照鑑湖傍
新構平泉水竹庄
門下招賢爭識李
關西擬聖總推揚
重逢師友情尤密
舊屬官民分更忘
指日閩南持憲節
草衣應避柏臺霜

千里閒關雪滿裾
到門懷刺欲何如
明州住處多奇勝
秘省家傳有異書
風土自能遊不倦
天涯寧問歲將除
故人落魄寒如此
却解綈袍衣
范睢

訪屠田叔使君不值賦此寄懷

困關泣別幾星霜乘興相過道路長
元伯殺雞孤范式呂安題鳳諄稽康
莫因采藥留衡岳或爲探書戀酉陽
誰道髮毛將半白初本能遂不歸鄉

謁賀秘監祠

軒冕唐家不可留遺祠瞻拜想風流
明君睿句稱高尚狂客閒身乞逸游
一曲湖光澄似鏡四明山色碧如油
試看房杜諸名相誰薦蘋花幾

百秋

訪屠緯真先生娑羅園有贈

一衲逍遙斷俗緣
落迦常泛進香船
眼空佛國三千界
身老家園二十年
楮葉神書天上寄
曇花樂府世間傳
忽聽舌本青蓮吐
綺語元來不礙禪

曾向鴻苞讀廣桑
久知蹤跡異尋常
長齋已作僧行徑
短䟽重興佛道場
摩詰豈緣譚法病
裴休多爲譯經忙
自言親與曇陽遇
莫道修行事

渺茫

客中述懷呈李之文莊仲肩

半年爲客逐風塵
懶向天涯更問津
旅邸愁多難卒歲
故園歸好正逢春
齊臣去國無良友
徐庶思家有老親
不是舊時知己在
浮沉蹤跡與誰陳

延慶寺訪五井朗初上人

布衲蕭然住化城
殘年風雪罷經行
寒冰五井旗槍味
落月千峰剪尺聲
有障未忘僧綺語
何

因曾識我詩名許詢交誼多方外願與支郎重
結盟

延慶寺訪汪長文

精舍深藏古殿邊尋君踏破梵林烟開尊處處
邀劉昶磐石家家待米顛垂老但憑詩作計餘
生聊藉硯爲田龐公縱欲遊城市願結清閒半
日緣

閨情代小姬見寄

綺閣殘燈落暗輝霜天寒月影羅幃情牽錦字

拈彤管淚結紅冰拭綠衣角枕忍看鴛共戲釵
梁愁見燕雙飛春風處處新楊柳倘億蠻腰莫
緩歸

蕩子還鄉未有期經年何事客天涯令嫺自愧
徐憐婦絡秀元稱李氏兒懶照秋菱黃印額愁
添春柳翠顰眉勸郎莫上桃花渡紅雨當樓正
及時

楊花

章臺三月易飄零一望漫天雪杳冥灞上飛來

惟見白漢南吹盡但留青沾泥不動思琴操渡
水無緣怨武靈隨處顛狂應莫笑池塘明日看
浮萍

海會寺看放生呈屠緯真慧上人

宰官居士施金錢欲拯沉淪苦海緣萬劫蛟龍
爭聽法四空魚鳥盡生天楊枝甘露周沙界菱
芡香風引畫船一念善因超異類莫言功行未
輪圓

遙聞齊鼓出香臺渺渺澄波一鏡開萬命業從

無始積群生超待比丘來肖翹有識皆堪放
蠶何知信可哀因勸凡夫了心性託生淨土免
輪迴

登明州海曙樓

高樓極目曙雲低渡口桃花路欲迷細雨綠楊
樊榭北秋風衰草鄮城西連天海色通閩嶠隔
岸山光入會稽莫問昔年興廢事萬峰惟有鷓
鴒啼

滄溟萬頃島門孤渺渺鄞江接鏡湖古廟水邊

留秘監危城雲際出官奴六千甲卒終歸越三
百人家總滅吳歲暮異鄉愁作客不堪懷古重
踟躕

寄懷許靈長余將從東越還家

望斷長江一水遙憶君清淚落寒宵身留東越
蕭條寺夢到西湖宛轉橋十載交懽深水石幾
年離別隔雲霄行人不耐風波險愁渡錢唐白
馬潮

會稽懷古

獨上高城問廢興萬家鱗次暮烟凝斷碑碧蘚
曹娥廟古木蒼山夏禹陵刻雪霏微迴客棹樵
風來往送漁燈越王霸業長消歇極目荒臺感
慨增

雲門天姥地偏靈太史游蹤此地經材美東南
名竹箭風流今古說蘭亭勾餘水落推空碧秦
望山高入郡青腸斷西陵歌舞處秋風松栢盡
凋零

屠緯直先生爲先兄序詩感而賦答

鴻鴈分飛失故群。誰將身後定遺文。言有幸
逢玄晏奇字。徧能識子雲。天上玉樓長作客。人
間彤管獨推君。千秋賞譽逢知己。翻恨難令地
下聞。

除日朗初休。休遠西來空波如晦。投詩見慰
口占奉答。

浮生回首嘆蹉跎。如水韶光旅邸過。僧臘又從
今日盡。客愁偏向此時多。家山入夢牽塵網。兒
女關情溺愛河。猶幸林僧投半偈。紛紜離恨化

禪那

辛丑除夕客明州白衣寺

獨眠蕭寺度殘更
流落何因滯越城
客夢幾迴驚爆竹
旅游千里愧浮萍
四隣清吹喧闐出
半點禪燈慘淡明
遙憶屠蘇今夕酒
白頭堂上計歸程

壬寅元日

畫角吹殘散曙烟
清尊柏酒與誰傳
魚書杳隔四千里
鳳曆新頒三十年
丘壑未成棲隱志
江湖

湖空賦遠遊篇風塵役役行將倦歸去青山老
種田

元日蔡子行招飲山齋

閒居幽僻似深村不見車輪馬足喧高枕避人
方散帙焚香留客又開尊古梅送影寒侵帳密
竹垂陰翠入軒竟日清言心若水了無塵土到
柴門

英臺墓

芳草離離暗古原白楊花落哭霜猿未忘三載

生前恨更結千秋地下婚一片香泥埋艷骨半
空環珮冷遊魂夜深月照連枝樹猶見雙雙出
墓門

出甬東別楊叔向憲伯屠緯真儀部蔡子
行山人李之文聞仲連李子敏文學

不學梁鴻住會稽山陰興盡又分携長途草綠
春驅馬旅館雲深曉聽雞落月夢迴閩海北東
風魂斷禹陵西橐中剩有芙蓉在夜夜寒光起
鵬鵠

送傳芳上人禮補陀歸天台

禮罷潮音出戒壇故山歸隱赤城端石橋蘿薜
厓千仞玉洞桃花路幾盤已信明心如猓獠更
聞饒舌侶豐干孟中絕粒須行乞流出胡麻慎
莫餐

禹穴

禹穴高臨越嶠東越州形勝古今雄千秋玉帛
塗山會八載憂勤治水功宛委山前芳草碧會
稽城外落霞紅行人過此俱探討誰繼風流太

史公

越王廟

會稽南鎮說雄圖古廟空山落照孤義士錦衣
手霸越美人紅粉獨亡吳像名烏喙遺千古客
號鴟夷去五湖日暮鷓鴣聲慘切莫傷麋鹿走
姑蘇

越城看雪

六出飄來萬戶粘越王臺上舞纖纖粉痕冷浸
鴛鴦瓦玉屑晴窗翡翠簾到處樓臺堆白壁幾

時村店辨青帘山陰滿路春明柳無數飛花一夜添

同雲吹散黯紛霏正值扁舟剡水歸未老却愁
霜入鬢新寒還藉絮添衣真疑屋上銀蟾出偏
稱梁間白燕飛曉起滿溪流素粉洗妝還憶
羅姬

越城迎春

土牛綵仗記年華迎得春光樂事賒滿路綺羅
香十里夾城簫鼓錦千家越姬寶釧金條脫那

守朱輪白鼻騮遙憶故園權賞處共憐游子在
天涯

曉發豐橋至暨陽

豐橋西去翠千層行役他鄉倦不勝樵斧斫消
孤樹雪農犁翻破半田冰荒山廢廟藏狐窟古
墓陰風暗鬼燈侵曉獨驅羸馬過短鞭林外挂
疎藤

元夕客暨陽觀燈

元夕偏逢雪乍晴千門歌管暨陽城綵棚盡結

吳蠶錦艷曲全嬌越女聲馬足踏塵香氣煖龍
膏薰樹月華明客愁寂寞難消遣也逐遊人到
五更

過孝子顏烏墓

黃土纍纍孝子阡古碑名姓記秦年嚴親掩骼
依松壠縣令澆墳挂紙錢蔓草清秋滋冷露遊
鱗深夜出孤烟行人下馬堪垂淚猶見烏啼日
暮天

贈張子環明府

墨綬新懸邑令符春風棠樹翠千株中牟野外
看馴雉孝子墳前表義烏爲政可同潘岳否通
家曾識孔融無理輪故是張綱事行見豺狼避
九衢

駱賓王墓

文齊三傑擅名家寂寂楓塘古路除先代蛾眉
驚草檄千秋馬鬣葬袈裟螢飛遠火秋雲暗蟬
咽殘聲落日斜荒塚無碑誰下馬西風吹落老
槐花

漱水訪黃仲高博士賦贈

越閩離索幾年情逆旅重逢感舊盟千頃自同
黃叔度一官真似鄭康成桃花渡夢鄞江近昔
猶齋居漱水清此地高樓留八咏題詩應繼隱
侯名

別張子環

餉客勞君損俸錢經旬曾聽武城絃過家定爲
傳魚信惜別愁看贈馬鞭二月烟花過漱水一
江雲樹夢華川長堤無限青青柳張緒風流在

目前

太末舟中夢陳幼孺

太末城西夜泊船
夢君魂繞六溪邊
才高有客催詩債
病久何人贈藥錢
山郭曉聲泥滑滑
池塘春色草芊芊
黃金誰買相如賦
擬得長門亦罔然

花燭詞寄贈故人

吉士乘春咏標梅
瓊漿滿注合懽杯
枕函芍藥雙頭並
帳角桃花百子開
汗落朱衣何晏拭
夢

回紅粉宓妃來洞房掩笑披紗扇舊識溫郎玉
鏡臺

自太末至清湖鎮舟中卽景

百里清溪半急湍風帆吹上不知難星星岸火
光侵水處處村春響隔灘極浦烟深魚網濕空
林葉落鳥巢寒漸看越國關河盡明日登山路
幾盤

度黎嶺

滿路東風酒易醒度關三十幾長亭枝頭好鳥

卷之十一
寒帷看村外寒雞隔樹聽廟古香薰神面黑嶺
高烟抹佛頭青白雲親舍遙堪望一任征車此
暫停

訪景姬驚鴻有贈

綺筵銀燭唱伊州紅粉場中第一流角枕夢迴
通楚峽玉簫聲斷出秦樓窓前栢子薰金獸門
外楊枝罨紫騮猶記寧王吹笛夜東風歌舞賜
纏頭

誰破傾城碧玉瓜洛神寧用御鉛華綠琴低按

留歡曲。彤管輕描待女花。敲斷玉釵雙舞鳳妝。
成雲髻。兩飛鴉。香車油壁乘蘇小。不信長安有
俠邪。

酬王婁峰轉運過訪

先任閩鄉

風塵牢落寄微官。忽枉軒車問考槃。詩叶琳琅
梁沈約。論成鹽鐵漢桓寬。天開龍種由來識雲
海。鷗盟自不寒。猶記武夷當日遇。共尋林壑逐
黃冠。

送林吾宗之金陵

青絲遊騎踏春蕪二月王孫入舊都柳色東風
村店路杏花微雨酒家壚斷橋野草尋朱雀古
碣荒苔辨赤烏挾得紅妝歌子夜寒潮雙槳莫
愁湖

再贈驚鴻

憔悴東風減玉肌黃金誰爲贖娥眉漢江雜佩
投雙結澧水幽香寫一枝柳外蘭舟搖惜惜花
前檀板按師師情多未覺揚州夢腸斷青樓杜
牧詩

不願浮梁買笑錢。題詩頻寄小鸞箋。夢覺帝子
珊珊。桃醺倚。襄王玳瑁筵。錦字迴腸千萬縷。寶
箏關恨十三絃。羅衣不帶風塵色。疑是麻姑謫
降仙。

送林志尹之吳越販書

江湖浪跡欲何如。爲覓名山訪異書。白髮不辭
雙亥豕。黃金寧惜買蟲魚。借將竹簡勤抄錄。挾
得芸編任卷舒。我亦未忘吟誦癖。一犁春雨帶
經鉤。

輓袁開軒郡丞

解綬歸從楚水西，高名應與白公齊。
棺藏夜壑青烏卜，客散秋原白馬嘶。
半嶺悲風吹栢壠，滿林斜日下桐溪。
豐碑黃絹中郎筆，不愧當年有道題。

三贈驚鴻

離梁春暖燕雙飛，花壓闌干酒力微。
琴響帶愁挑卓女，墨痕和淚寫崔徽。
雲生洛浦宵留枕，月曉秦宮夜捲衣。
製得迴文詩一首，流黃鮮錦織。

璿璣

嬌歌朱郎日承恩
鰣鰻新消臂上痕
一片芳心絨豈蕊
幾回幽恨托蘭蓀
簾前香氣分韓壽
牆外梭聲折謝鯤
開盡海棠春欲莫
獨臨芳沼暗消魂

賦得消夏灣送人之吳

吳王避暑有離宮
縹緲峯南震澤東
荷葉颭波天接水
柳花吹浪月浮空
紅妝隊入冰壺裏
畫槳聲搖玉鏡中
莫戀清涼真世界
季鷹歸思動

卷之十一
秋風

送王未啓之武林

欲回西湖聽采蓮。游資携得甯文錢。長途別恨
黃梅雨。南浦新愁碧草烟。羅刹江頭沽酒市。白
公堤畔賣花船。竹宣年少初爲客。賦就登樓有
幾篇。

送沈廣文擢德清令

新懸墨綬謝青氈。仙令栽花向雪川。處處勸耕
黃稻雨。村村收繭綠桑烟。官清但飲雙溪水。吏

散閒尋半月泉莫戀彈琴寬賦稅司農方急水
衡錢

寄丁亨文司理杭州

佐郡何年出楚臯武林分竹又賢勞夢松朶已
先公輔司李官猶滯法曹郭外紫駟尋曉寺江
頭白馬看秋濤蘇公去後風流少莫憚題詩陟
兩高

夏日偶成

綠陰覆檻晚風涼獨對南窓蘭紙光辨鼎細摹

周款識囊琴新製宋縑湘蟲絲挂葉懸松徑鼠
迹拖塵過竹牀地勝頓忘心境靜遽然一夢傲
羲皇

周日新旅寓鐘山寺走筆奉問

蕭寺輕寒旅枕高西風吹冷白雲袍知音有客
隣公瑾落魄何人念叔敖淚落桐鄉新薦藻心
傷花縣舊栽桃布衣誰不歌長歛且莫懷歸賦
大刀

贈永福徐令君

廉吏聲名遠近聲
乘驄使竹院閒尋
揮花底七條冰長
卿此日遊方倦欲
作臨邛客
未能

贈阮堅之司理

禮士常懷倒屣心
燬餘還解辨焦琴
永和日掃
諸王帖正始時
追七子音官舍
枕高紅日午
法曹門閉白雲
深玄譚對客
長青眼多少
風流在
竹林

冬至後同唐美承明府曹能始延尉陳龍
秦王粹夫馬季聲集阮堅之司理衙齋

分得京字

分竹初來領越城下車先結白鷗盟葭灰散盡
方吹律蓮炬燒殘不問更美酒一尊傾北海雄
文千載說西京座中細數詞林客半是當年鄴
下名

送楊楚亭憲伯請告還四明

問年猶未雪盈顛何事軒車便早懸疏廣無金

堪置宅張衡有賦且歸田九人詩酒香山社一
曲烟波鑑水船聖主非熊方入夢玄纁將到渭
橋邊

鴻飛天外去冥冥回首中宵望使星三徑卜居
尋栗里群賢修禊集蘭亭臺前夜月聞烏鳥原
上秋風感鵲鴒歸隱心閒書可著閉門重草太
玄經

綠野平泉日日遊難忘去歲客明州幾廻下榻
延徐穉到處題書薦馬周繡斧乍來仍惜別轍

轅無計可攀留淺才不足燕臺駿誰把黃金死
骨收

劍浦分藩歷幾霜愛才容得櫺衡狂揮毫呂乞
來禽帖餉客時分養鶴糧春莫校書遊建水秋
深彈鋏旅沙陽翻因惜別思前事斷盡酬恩一
片腸

立春日阮堅之司理招集洪氏山亭分得
六麻韻

青陽司候早休衙載酒偏來訪習家
亞甌暫時

拋簿牒招邀長夜結烟霞凍雲近霧縈鐘冷殘
月輕移古塔斜已有政聲書殿最不妨摘藻侶
春華

壬寅除夕

燎火初光歲已終滿堂歌管臘燈紅尊中柏葉
消殘夜牆角桃花待曉風半世微名漸隱豹千
秋絕技笑雕蟲頻年浪說工文字祇學昌黎賦
送窮

癸卯元日

老大休驚歲序馳閒身幸值太平時貧家菽水
堪供母先世芸編足課兒日晚竹窓銷甲煎風
輕花塢長辛夷新年客問行藏事三尺犁鋤一
釣絲

古意

蕩子從軍不憶歸秋深愁聽斷鴻飛霜寒繡閣
鴛鴦錦風捲香奩翡翠幃十載音書遠紫塞半
宵魂夢在金微含情拭盡思君淚月落空堦照
搗衣

元夕同杜枉集風雅堂咏走馬燈

元夜飈輪自轉移，驅將神駿上瑤池。
黃金轡逐紅雲繞，碧玉蹄翻赤電隨。
火照茸泉胡騎躍，焰飛函谷楚兵馳。
漏深戰罷烽烟息，莫訝花驂躡影遲。

陪阮司理遊石竹山

不到茲山已十年，重携雙屐紫雲邊。
青峰盡入啼猿樹，丹壑曾飛跨鯉仙。
竹杖策殘蘿徑月，薜蘿穿破石門烟。
劉郎愧作尋真伴，忽見桃花憶

舊綠

送游元封客益藩

爲賦西園入楚都馬頭雲影見麻姑
小山隱士歌青桂別路王孫夢綠蕪
夜月瓊筵新設醴春風綺閣亂吹竽
不須枕裏窺鴻寶到日先臨峽蝶圖

花朝同洪九霞介君俞君寶陳伯孺集曹
能始園試鼓山新茗分得夷字

開尊共赴看花期燒葉偏逢試茗時
白乳翻瀉

喧石鼎翠烟繁縷颺游絲莫言風味輸陽羨自
有清香勝武夷仙今日高二丈起自公退食更
委蛇

山居林天廸計部見訪答贈

黑頭早謝尚書郎雞舌猶聞舊省香夜月笙歌
金谷院春風花柳玉蟠莊芳尊盛酒吟三謝彩
筆臨池學二王家有累朝中秘史不矜江左富
青箱

送人之岳州

楚江風浪書冥冥春草連天過洞庭
估客卸帆投岸宿仙人吹笛倚樓聽
水通巴峽千重白雨洗君山一點青
口暮鷓鴣啼不歇好尋瑤瑟問湘靈

得鄧汝高少參楚中書夏升碧雞集見寄賦

答

一緘遙寄楚天長剖得雙魚是武昌
夢近薇垣中夜月身違蓮社幾年霜
塞帷樹色來江夏行部山光入漢陽
鸚鵡洲前芳草綠賦木應問櫺

衡狂

之官新別夜郎西千騎還過楚水嘶牀據月中
談玉塵鞭揮池上醉銅鞮近聞崔顥題黃鶴曾
說王褒祀碧雞我欲涉江采蘭芷莫忘蹤跡隔
雲泥

黃伯寵社集西湖泛舟分得十三覃

郭外春明野氣涵平湖雨後影拖藍荇邊彩鷁
移花裏蓮下游魚戲葉南僧寺峻嶒浮積水女
墻高下護晴嵐誰知此日青山社不減當年碣

石談

暮春林天廸計部招同新都程士元宴集

湖庄觀妓因憶朱汝修潘景升二子卽

席次韻

春入名園載曲生談詩還憶舊同盟朱家意氣
元稱俠潘岳詞華日有名座上分題催刻燭花
前度曲錯飛觥應憐此夕群星聚別後相思萬
里情

三月晦日社集王永啓塔影園席上觀妓

分得二蕭

爲惜東皇去路遙。白駒那得繫今朝。飛花逐水紅俱盡。弱柳愁風綠暗消。彩扇徵歌嬌粉黛。畫堂燒燭咽笙簫。莫辭達曙留連飲。春色惟應此
一宵。

哭羅德可太學

夢鳥才高筆掃烟。英雄淪落九重泉。王戎每痛嵇生逝。樂廣應悲衛玠賢。德可爲謝司農愛婿新塚白雲

埋宿草。舊軒青雨濕遺篇。秧林最是逢君早。不

淺交情二十年

上黃隣初郡公

風流三十卽專城郭外陽春五馬行作郡共推
閩海政世家還繼潁川名黃堂吏散垂簾坐綠
野民馴賣劍耕桑柘滿村休禁火萬家來暮起
歌聲

同陳伯孺袁無競曹能始集林天廸宅上
聽蓮奇二姬歌天廸卽席詩贈二姬戲
和一首

華堂香靄百花薰。桃葉桃根色不分。檀板共翻
金縷曲。蘭膏雙照石榴裙。漫吹玉管隨蕭史。故
弄銀箏誤使君。宋玉風流文似錦。高唐兩度賦
行雲。

送程士元還新都

千里來尋郭細侯。子春因抱下堂憂。思鄉正值
菖蒲節。作客空孤荔子秋。粵國游裝輕陸賈。縣
山仙跡夢浮丘。一江烟水茫茫遠。黯爾消魂望
去舟。

壽黃郡伯初度

佳辰欣見渚流虹家世猶傳江夏風
午夜綺筵張蜀錦長春瓊液酌郢筒
飛來神雀隨青鳥叱起仙羊傍畫熊
三十專城年最少都人爭羨黑頭公

六艷詩

嘗觀俠邪佳人狎昵才士大都綽約多情文
人薄倖卽余目耳所睹記或金贖蛾眉終然
淪落或珠慳買笑竟爾淪盟或因入宮而見

猜或屈主家而更嫁求其初結同心繼諸伉
儷者僅一人焉各賦一詩以紀其事情之所
鍾正在我輩矣

吹簫曾擅舞樓名誤聽琴心識馬卿歌扇影中
揮舊淚琵琶絃上絕新聲愁深宋玉空多恨老
去徐娘更有情腸斷門前車馬過羅衾寒掩月
三更

流落章臺隔幾年垂楊低拂畫樓前李倫自惜
明珠價李益終垂小玉緣懶結愁眉施粉黛暗

揮別淚泣嬋娟逢人每訴相思恨手撥秦箏十
四絃

冶容新學內家妝淺畫蛾眉出教坊憶遠自吹
湘竹淚寄情曾寫灋蘭香簾前拂水蜻蜓入陌
土尋春蛺蝶忙新製石榴裙六幅故人千里贈

王昌

秋葉何須倩作媒畫堂紅拂肯憐才榮陽公子
遺鞭過湘浦佳人解佩來繡戶星稠杯合卷玉
闌春早鏡安臺總緣十斛明珠換掌上于今有

時胎

青樓幽恨寄紅牙顏色應憐似薜華子建賦纔
題洛浦莫愁心已嫁盧家錦櫳暗綰同心結銀
釧光搖繫臂紗錯把黃金空買笑妾身依舊路
傍花

碧霄明月減團圓彩扇雙裁妬合歡黃鵠有情
飛不到青鸞無信寄應難心從蘇小松邊結恨
付薜蘿木裏彈酒盡相思千點淚玉閨羅袖不
曾乾

送薰叔允之岳陽省親

少年初拜漢林官，長路風塵劍氣寒。
種得蓮花新結社，携將桃葉遠承權。
馬蹄去國三十里，螺髻看山十二盤。
楚水烟波愁極目，美人何處寄芳蘭。

贈周窵六比部

周昌抗疏漢廷年，直道誰知竟左遷。
數載獨清鳩署獄，千秋爭重鸞林篇。
楚江騷客羞鵲藻，閩海詞人願執鞭。
屈指賜環非遠事，投荒休歎。

主恩偏

湧泉廢寺

寺經樵火久消亡古道秋風蔓草荒廢殿有基
崩夜雨斷碑無字卧斜陽遊人借宿茅茨裏田
父來耕瓦礫傍試問前朝金布施老僧垂淚說
南唐

宿黃蘗寺

青峰十二削芙蓉黃蘗開山第一宗陰洞有靈
蟠巨蟒古潭無際蟄神龍門通數畝林間竹路

指十年澗底松。覓得雲房聊借宿。半天殘月上
方鐘。

洛陽橋謁宋蔡忠惠公祠觀造橋碑

路盡平疇水色空。飛梁遙跨海西東。潮來直湧
千尋雪。日落斜橫百丈虹。郊野尚留棠樹綠。歲
時猶薦荔枝紅。行人幸不爲魚鱉細。讀豐碑利
涉功。

宿歐陽行周讀書石室

雲際依微石洞開。昔賢猶得讀書臺。亭前絕磴

侵芳樹壁上流泉漬古苔城郭千家秋靄合海
天萬頃暮潮回精靈自有山靈護夜半吟魂縹
緲來

清源洞

郭外青山此地偏蕭森松桂白雲邊虛堂燈照
金身佛古洞泥封蛟骨仙無數蒼藤纏怪石一
泓白乳湧清泉品頭紫筍元堪噉待藥僊厨淪
茗烟

百丈盤觀海

振衣長嘯陟高丘遙望滄溟日夜流數點黑光
雲外島半痕青影日南舟天窮愁覺乾坤小潮
滿渾疑世界浮避地乘桴吾有志茫茫何處逐
輕鷗

南臺室

登臺行歷種茶園一鞭芒鞋踏草痕巧傍懸厓
牢結屋偏從危石隱開門樹陰滴翠渾疑雨海
氣蒸雲不辨村惜取半山殘照影跼蹐相對坐
松根

閨情

蕩子○狂遊○不問家○瘴烟蠻雨客天涯○霜侵繡幙
寒丹枕○月冷香奩○度碧紗○筆底誰描眉○似柳鏡
中○空照頰如花○知君記得刀頭約○那肯閒心問
俠邪○

送吳仲聲北上

早薦賢書與計偕○遠遊何用愴離懷○鵬飛溟海
三千里○馬踏長安十二街○月冷瑤華思舊社○雪
寒疎影夢高齋○御河三月青絲柳○亂拂宮衣上

玉階

送寶藏和尚還支提

錫杖東飛返霍林，衲衣風雪度遙岑。
翻殘貝葉三千藏，證得蓮花一片心。
霜筇經行沙界遠，天冠修習道場深。
他時古剎尋師處，共聽頻伽半夜音。

冬日邀吳非熊陳元朋丘伯几曹能始林子真林茂之集法海寺得邊字

一片羅山隱市廛，黃金重布舊諸天。
閒堦樹老

常增臘古刻苔深不辨年客到瞻窓老竹雪僧
歸香積起茶烟共探數點梅花早折得南枝惟
石邊

送林茂之還金陵

却把他鄉當故園移家今在杏花村雪霜千里
潘郎鬢風雨孤燈越客魂怨別恐歌南浦柳夢
歸爲戀北堂萱與君不比尋常別衫袖真看有
淚痕

問薛晦叔病

抱病經旬怯杖藜日長趺坐小窓西
祇綠托夢成蕉鹿未必勞形似木雞
懶問故交疎筆札喜尋方士乞刀圭
紙屏石枕爐烟細閒看空梁落燕泥

銅雀臺

高臺一望碧嵯峨臺上空餘野鳥過
帳殿有情春草綠墓田無主夕陽多
風迴輦路寒歌管雲捲綺樓暗綺羅
昔年繁華向何處盡隨流水下漳河

送林志尹謁選之京

灤河水合水無聲馬踏黃沙到北平
衰草接天秋萬里寒蘆吹月夜三更
筑邊綠酒荆軻市劍外青山樂毅城
博得一官堪寄隱功曹曾是漢儒生

送俞本之游楚

寒臯木落水連天雲際孤城望漢川
隔岸數聲湘女瑟中流千里鄂君船
鷗鵠夜啼黃陵月猿猱秋啼赤壁烟
挾得離騷經一卷行吟長對楚

江邊

柳絮風

春老章臺翠黛稀。酒旗輕颺點霏微。池塘謝女
歌初就。江水楊華去不歸。吹醒孤鶯香到夢。送
回雙蝶雪添衣。幾番花信無情甚。一半霑泥一
半飛。

藕花風

翻覆銀河錦浪微。羅裙玉腕送將歸。輕舒翠葉
颼颼響。細落紅香冉冉飛。解語徐開妃子靨。無

情吹破六郎衣一從水殿嬌歌散腸斷吳江畫
槳稀

梧桐雨

龍門百川壓枝低蕭瑟聲中鳳不棲蜀道淋鈴
坡路上漢宮驚夢井闌西剪來封弟和烟濕摘
去傳情帶露題古木蒼蒼虞帝廟滿天雲影二
如啼

白燕

不入朱門繞玳梁水晶簾箔影迷藏舞來掌上

嬌明玉眠向樓中伴曉霜拂水過時分綠皺啣
花飛處點紅妝好隨買笑張公子皓首歸來日
目忙

贈募緣僧

千山萬水到江南廣說因緣勸善男十笏自應
資布施一錢猶足破慳貪經行曉出雲邊寺掛
搭宵依月裏龕我愧寒儒功行淺入門他日定
生慙

遊九鯉湖

仙客命題赤鯉遊藥爐丹竈換春秋一雙玉箸
當空掛百丈珠簾作雪流月引梅花斜古洞雲
移松影上危樓此中已隔人間世何必乘風到
十洲

疊嶂層巒列翠屏籜冠藜杖叩仙靈雷聲不斷
千年響雲影長環九滌青山上澄湖明似鏡水
中奇石散如星高眠不借邯鄲枕塵世從來夢
未醒

除夕前二日同非熊能始茂之過華林寺

得風字

滿市叩塵歲欲終
間身隨喜到琳宮
僧房曲折皆空寂
佛殿輝煌自大雄
璫外梅花飛片雪
山前松葉咽寒風
雲堂磬響清齋罷
坐看西林夕照紅

癸卯除夕

今歲俄驚此夕除
浮生日月歎居諸
兒童堂上喧簫鼓
親友門前餽曆書
制業久拋閒半世
光陰虛擲負三餘
青尊柏葉憑斟酌
銀燭華燈照

綺疏

龜岑集卷之十五終